

## **ZAKON**

**O IZMJENAMA I DOPUNAMA ZAKONA O FINANSIJSKOJ  
KONSOLIDACIJI RUDNIKA UGLJA U FEDERACIJI BOSNE I  
HERCEGOVINE PREMA OBRAČUNATIM, A NEUPLAĆENIM JAVNIM  
PRIHODIMA U PERIODU OD 2009. DO 2015. GODINE**

## ZAKON

### O IZMJENAMA I DOPUNAMA ZAKONA O FINANSIJSKOJ KONSOLIDACIJI RUDNIKA UGLJA U FEDERACIJI BOSNE I HERCEGOVINE PREMA OBRAČUNATIM, A NEUPLAĆENIM JAVNIM PRIHODIMA U PERIODU OD 2009. DO 2015. GODINE

#### Član 1.

U Zakonu o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine („Službene novine Federacije BiH“, broj 81/08) u članu 1. dodaje se stav 2. koji glasi:

„Ovim Zakonom se uređuje finansijska konsolidacija rudnika boksita u Federaciji i to Rudnici boksita d.o.o. za eksploataciju rude Posušje (u daljnjem tekstu: rudnik boksita Posušje) koji je u državnom vlasništvu, prema obračunatim, a neuplaćenim javnim prihodima u periodu od 2012. do 2015. godine.“

#### Član 2.

U članu 2. dodaje se stav 2. koji glasi:

„Finansijska konsolidacija rudnika boksita Posušje, provodit će se u periodu od 2012. do 2015. godine i obuhvata dug rudnika boksita Posušje po osnovu doprinosa za penzijsko i invalidsko osiguranje, zdravstveno osiguranje, osiguranje od nezaposlenosti (u daljnjem tekstu: doprinosi) i poreza na plaću na dan 31.12.2008. godine.

#### Pregled stanja obaveza na dan 31.12.2008. godine:

Rudnik boksita	Obaveze za PIO (KM)	Obaveze za zdravstvo (KM)	Obaveze za nezaposlene (KM)	Porez na plaću (KM)	UKUPNO (KM)
Rudnici boksita d.o.o Posušje	1. 320. 112	20.118	5. 887	3.787	1.349.904

#### Član 3.

U članu 3. iza stava 1. dodaje se novi stav 2. koji glasi:

„Finansijska sredstva za namjene iz člana 2. stav 2. ovog Zakona, izuzev obaveza za zdravstvo i obaveza za nezaposlene, potrebno je osigurati u Budžetu Federacije Bosne i Hercegovine u ukupnom iznosu 1.323.899 KM u periodu od 2012. godine do 2015. godine i to :

- u 2012. godini 330.974,75 KM;
- u 2013. godini 330.974,75 KM;
- u 2014. godini 330.974,75 KM;
- u 2015. godini 330.974,75 KM.

Dosadašnji stav 2. mijenja se i glasi:

“Prijedlog godišnjih planova sa tačnim iznosima potrebnih sredstava za namjene iz člana 2. st. 1. i 2. ovog Zakona utvrđuje Federalno ministarstvo energije, rudarstva i industrije”.

Dosadašnji st. 2. i 3. postaju st. 3. i 4.

#### **Član 4.**

Član 4. mijenja se i glasi:

Finansijska sredstva za izvršenje obaveza rudnika uglja u Federaciji iz poslovnih odnosa nastalih do 31.12.2008. godine, po osnovu kreditnih zaduženja, neizmirenih obaveza prema dobavljačima kao i za modernizaciju postojeće i nabavku nove opreme, obezbjeđuje JP „Elektroprivreda BiH“ d.d. Sarajevo i JP „Elektroprivreda HZ HB“ d.d. Mostar iz raspoloživih vlastitih sredstava i sredstava pravnih subjekata zavisnih društava (rudnika koji se konsoliduju).

#### **Član 5.**

Član 5. mijenja se i glasi:

„Rudnici uglja u Federaciji i rudnik boksita Posušje, dužni su Federalnom ministarstvu energije, rudarstva i industrije, u roku od 15 dana od dana pojedinačnih uplata sredstava za finansijsku konsolidaciju, dostaviti dokaze o namjenskom utrošku sredstava.

Federalno ministarstvo energije, rudarstva i industrije dužno je, najkasnije do 31. marta, tekuće godine Vladi Federacije Bosne i Hercegovine dostaviti Informaciju o izvršenom nadzoru i utrošku sredstava uplaćenih u protekloj godini.”.

#### **Član 6.**

Član 6. mijenja se i glasi:

„Sredstva koja Federacija ulaže u konsolidaciju rudnika uglja u Federaciji i rudnika boksita Posušje, knjižit će se kao povećanje učešća državnog kapitala u svim rudnicima, osim rudnika kod kojih su ulaganja iz člana 2. već uzeta u obzir kod procjene vrijednosti kapitala, a udio Federacije Bosne i Hercegovine aktom Vlade Federacije Bosne i Hercegovine, prenešen na drugi pravni subjekt”.

#### **Član 7.**

Član 8. mijenja se i glasi:

„U slučaju statusnih promjena u rudnicima uglja u Federaciji i rudniku boksita Posušje pravni slijednik preuzima prava i obaveze iz ovog Zakona.“

#### **Član 8.**

Ovaj Zakon stupa na snagu osmog dana od dana objavljivanja u „Službenim novinama Federacije BiH“.

PREDSJEDAVAJUĆI  
DOMA NARODA  
PARLAMENTA FEDERACIJE BiH

Radoje Vidović

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BiH

Fehim Škaljić